

Prvi zamjenik visokoga predstavnika Scanlan u Hercegovini, u posjetu Mostaru i Trebinju



U okviru svojih redovitih putovanja po cijeloj Bosni i Hercegovini, prvi zamjenik visokoga predstavnika i supervizor za Brčko Distrikt Michael Scanlan posjetio je Mostar i Trebinje, gdje se sastao s lokalnim zvaničnicima i razgovarao o nizu aktualnih pitanja u ta dva grada.

U Mostaru, gospodin Scanlan se sastao s predsjednikom mostarskoga gradskog odbora SDA, Salemom Marićem, te predsjednikom Hrvatske republikanske stranke, Slavenom Ragužem. U Trebinju se prvi zamjenik visokoga predstavnika Scanlan sastao s gradonačelnikom Mirkom Ćurićem, predsjednikom Skupštine Općine Dragoslavom Banjkom, direktorom Gospodarske komore Trebinja Veselinom Savićem te muftijom Sadikom Fazlagićem.

“Hercegovina je regija koja posjeduje golemi ekonomski i turistički potencijal, ali se suočava s istim izazovom kao i mnoga druga mjesta koja sam posjetio u BiH. U Hercegovini, kao i u ostatku BiH, ti izazovi su doveli do sve većeg odlaska ljudi, posebno mlade generacije. Fokusiranje na retoriku podjela, koju čujemo od većine političara, samo ugrožava stabilnost i prosperitet koji su zemlji potrebni da bi mladi vidjeli budućnost u njoj.

U svojim razgovorima s lokalnim vlastima tražim priliku da se takva atmosfera promijeni i da se pokrenu inicijative kako bi ljudi ostali ovdje: bilo omogućavanjem rasta privatnoga sektora kako bi se otvorilo više dobro plaćenih radnih mjesta; privlačenjem investicija, stranih i domaćih; poboljšanjem javnih usluga kako bi u prvi plan stavili građane i, što je najvažnije, jačanjem vladavine prava. Ako Mostar i Trebinje usvoje ta načela, postat će središta koja pokreću ekonomski rast i ekonomske prilike u Hercegovini," rekao je prvi zamjenik visokoga predstavnika Scanlan.